



Broj: 02-05-1463/17
Lukavac, 10.08.2017.godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-1463/17 od 10.08.2017.godine u otvorenom postupku javne nabavke radova za Rekonstrukciju sistema vodosnabdijevanja naselja „Poljice Gornje“, Općinski Načelnik **d o n o s i**

ODLUKU o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 02-05-1463/17 od 10.08.2017.godine i Ugovor za javnu nabavku radova za Rekonstrukciju sistema vodosnabdijevanja naselja „Poljice Gornje“ dodjeljuje se ponuđaču „Š.F.-INŽENJERING“ d.o.o. Tuzla, ponuda broj: 18/17-II od 04.08.2017.godine, za ponuđenu cijenu u vrijednosti od 517.751,78 KM bez PDV-a, kao najpovoljnijem ponuđaču.

Član 2.

Izabrani ponuđač dužan je nakon prijema Odluke o izboru dostaviti **u roku od 7 (sedam) dana** originale ili ovjerene kopije dokaza o ispunjavanju uslova iz člana 45. stav (2) tačka od a) do d) Zakona o javnim nabavkama BiH, navedene u tački 12.1. od a) do d) tenderske dokumentacije; originale ili ovjerene kopije potvrda poslovnih banaka koje su dostavljene kao kopije u ponudi, a u skladu sa tačkom 13.2.4. tenderske dokumentacije; originale ili ovjerene kopije potvrda Poreske uprave o broju uposlenih/Listu osiguranih lica, koja ne smije biti starija od 3 mjeseca računajući od trenutka predaje ponude, a u skladu sa tačkom 13.3.4. tenderske dokumentacije. Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, ugovor za javnu nabavku dodijeliti će se drugorangiranom ponuđaču u skladu sa članom 72. stav (3) Zakona o javnim nabavkama. Odabrani izvođač dužan je dostaviti dinamički plan izvođenja radova po fazama prije potpisivanja ugovora.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.



Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-1462/17 od 14.07.2017.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 657.503,13 KM. Obavještenje o nabavci broj: 719-1-3-51-3-23/17 objavljeno je na Portalu javnih nabavki dana 14.07.2017.godine.

Komisija za provođenje postupka nabavke imenovana Rješenjem broj: 02-05-1488/17 od 18.07.2017.godine i broj: 02-05-1488/17-1 od 03.08.2017.godine dostavila je ugovornom organu Općinskom Načelniku Zapisnik o pregledu i ocjeni ponuda broj: 02-05-1463/17 od 10.08.2017.godine, Preporuku o izboru najpovoljnijeg ponuđača broj: 02-05-1463/17 od 10.08.2017. godine i Izvještaj o radu broj: 02-05-1463/17 od 10.08.2017.godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno šest ponuda;
- da je blagovremeno primljeno šest ponuda;
- da nije bilo neblagovremeno primljenih ponuda;
- da ponude ponuđača „Papilon“ doo Koraj-Čelić i „Cestotehnik“ doo Tuzla nisu kvalifikovane i da su iste odbačene. Naime, ponuđač „Papilon“ doo Koraj-Čelić nije dokazao postojanje radnog iskustva od 3 (tri) godine za diplomiranog inženjera građevinarstva, odnosno priložena je diploma Internacionalnog Univerziteta Brčko Distrikt broj: 505-M/16 od 06.02.2016.godine u kojoj stoji da je Abdulkerim (Imšir) Halilčević diplomirao 06.02.2016.godine iz čega proizilazi da isti nema 3 (tri) godine radnog iskustva kao diplomirani inženjer građevinarstva, a što je traženo tačkom 13.3.2.b., tenderske dokumentacije. Takođe, ponuđač „Papilon“ doo Koraj-Čelić nije dostavio ovjerene kopije diploma o završenoj školi za 7 (sedam) kvalifikovanih radnika, odnosno isti ponuđač je dostavio uvjerenja koja nisu u skladu sa tačkom 13.2.2.c., tenderske dokumentacije. U istoj ponudi, ponuđač nije dokazao uspješno iskustvo kao osnovnog ugovarača u realizaciji minimalno 1 (jednog) ugovora čiji su karakter i kompleksnost isti ili slični onima koji se odnose na predmetnu nabavku u prethodnih 5 (pet) godina u minimalnom iznosu od 650.000,00 KM bez PDV-a, a što je traženo tačkom 13.3.1.a. tenderske dokumentacije. Naime, ponuđač je na strani 45 ponude, priložio potvrdu firme ÖSTAP Engineering & Consulting GmbH da je kao podugovarač navedene firme realizovao projekat u općini Čelić u vrijednosti od 1.378.669,46 EUR. Takođe, ponuđač „Cestotehnik“ doo Tuzla nije dostavio obične kopije potvrda poslovnih banaka Union banka dd Sarajevo za račun broj: 1027090000005440 i Raiffeisen bank dd BiH, da njegovi transakcijski računi nisu bili u blokadi u zadnjih 6 (šest) mjeseci računajući od datuma izdavanja potvrde, a shodno kopiji Izvještaja o transakcijskim računima koji izdaje Centralna banka BiH, a kako je određeno tačkom 13.2.2. a i b., tenderske dokumentacije. Uvidom u Izvještaj Centralne banke BiH utvrđeno je da ponuđač ima 5 (pet) aktivnih računa, te da je dostavio obične kopije potvrda za 3 (tri) poslovne banake i to Sparkasse bank dd BiH, Union banka dd Sarajevo za račun broj: 1027090000005343 i NLB banka dd Tuzla, dok za 2 (dva) aktivna računa i to Union banka dd Sarajevo za račun broj: 1027090000005440 i Raiffeisen bank dd BiH nije dostavio obične kopije potvrda;
- da su ponude ponuđača „Roding“ doo Gračanica, „Vodo-Ins“ doo Tuzla, „Geo-Put“ doo Maglaj i „Š.F.-Inženjering“ doo Tuzla kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 657.503,13 KM i da je kriterij za dodjelu ugovora najniža cijena.

Ponuđač "Š.F.-INŽENJERING" d.o.o. Tuzla dostavio je prihvatljivu ponudu sa cijenom od 517.751,78 KM bez PDV-a koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



Dostaviti:

1. "PAPILON" doo KORAJ - ČELIĆ
2. „ROADING“ doo GRAČANICA
3. „VODO-INS“ doo TUZLA
4. „CESTOTEHNIK“ doo TUZLA
5. „GEO-PUT“ doo MAGLAJ
6. „Š.F.- INŽENJERING“ doo TUZLA
7. Evidenciji i
8. Arhivi.